

Siunnersummut nassuaatit

Nassuaatit nalinginnaasut

1. Aallaqqasiut

Siunnersummi nioqququtissanik eqqussinermut akitsuutinik, nioqququtissanut, innuttaasorpassuarni nalinginnaasumik atuinermi ilaasunut, akigititanik, sunniisartunik, appartitsinissaq atorunnaarsitsinissarlu siunertaavoq. Siunnersuut nunatsinni innuttaasut ulluinnaannik oqinnerulersitseqataassaaq.

Siunnersuut akileraarutinik akitsuutinillu iluarsaaqqinnissami pilersaarutigineqartumi, partiit Naalakkersuisooqatigiit isumaqatigiissutigisimasaanni, alloriarnerni siulliuvoq. Innuttaasunut ataasiakkaanut tamanut pitsaanerusunik aningaasaqarnikkut atugassaqartitsinissaq, pingaartumillu isertitakinnerpaanik nukittorsaanissaq, iluarsaaqqinnermi qitiutinneqartunut ilaapput.

Iluarsaaqqinnermi ukiuni aggersuni akileraartarnermut akitsuutinullu politiki pillugu aalajangersimasumik ataatsimoortumillu sinaakkutissiisoqassaaq. Naalakkersuisut ukiuni aggersuni siunnersuutit, politikip taassuma atuutsinneqalernissaanut pisariaqartut, saqqummiuttassavaat. Peqatigisaanik tamanna isumaqarpoq, akileraarutinut akitsuutinullu suliniutissat, akileraartarnermi iluarsaaqqinnermut ilaatinneqanngitsut, ukiuni aggersuni Naalakkersuisut tapersorsornianngikkaat.

Tamatuma saniatigut siunnersuut inatsimmi § 1, imm. 1, nr. 4b-p oqaatsitigut naqqiissuteqarfinginissaanut siunnersummik imaqarpoq.

2. Siunnersummi immikkoortut pingaarcerit

Siunnersutigineqarpoq sukkunut, sirupinut, glukosenut il.i.. akitsuutit ataavartussamik atorunnaarsinnejassasut. 2024-mut ukiumut aningaasaaliiffiusumut akitsuutip atorunnaarsinnejarnissaa Aningaasaqarnermut Akileraartarnermullu Ataatsimiititaliap 2024-mi januaarimi akueraa. Inatsisissatut siunnersummi atorunnaarsitsineq taanna ataavartussanngortinnejarpoq.

Eqqiluisaarnermut atortunut, tipigissaatinut, pinnersaatinut assigisaannullu akitsuut pisuni arlalinni nioqquqitissat suut akitsuusiisussaatitaanermi ilaatinneqarnerannut aammalu sorliit akitsuuserneqannginnerannut tunngatillugu unammillernartortaqtarsimavoq. Fakturap nalinganit 38 procentinik akitsuusiisarneq 2022-mi 5,8 mio. koruunit missaannik iluanaaruteqartitsivoq. Peqatigisaanik akitsuut tunisassianut, amerlasuut atortagaannut, akigititanut sunniisarmat, akitsuutip atorunnaarsinnejarnissaanik siunnersuuteqarnissaq naleqqussorineqarpoq.

Nioqqutissanik eqqussinermi akitsuutinut inatsimmi § 1, imm. 1, nr. 4a-mi Qaanaamut, Ittoqqortoormiinut imaluunniit Tasiilamut eqqussinermi mineralvandinut, sodavandinut, limonadinut il.il. immikkut ittumik annertussusissaliussaq atorunnaarsinnejassasoq pillugu siunnersuut, § 1, imm. 1, nr. 4 pillugu siunnersuummi nr. 2-mut ataqatigiissillugu isigineqassaaq. Siunnersuummi nr. 2-p malitsigisaanik mineralvandinut, sodavandinut, limonadinut il.il. akitsuut literimut 5,75. koruuninut appartinneqarpoq, tassa imaappoq Qaanaamut, Ittoqqortoormiinut imaluunniit Tasiilamut eqqussinermi maannakkut akitsuutip annertoqqatigalugu. Allanngortitsinerup kingunerisaannik nunatsinni sumut nioqqutissat eqqunneqarnerat apeequtaatinnagu akitsuut assigiimmik annertussuseqartillugu atorneqartussanngorpoq.

Kiisalu siunnersuutigineqarpoq qummoroortartunut akitsuut maannakkut fakturap akiata 100 procentianiiit 50 procentianut appatinneqassasoq. Siunertaavoq tunisassiamut, innuttaasut amerlanersaasa ukiumiit ukiumut nutaamut nikinnerup malunnartinnissaanut atortagaannut, akigititat appasinnerunissaat.

3. Pisortanut aningaasaqarnikkut allaffissornikkullu sunniutaasussat

Akitsuutinik allanngortitsinerit siunnersuutigineqartut ukiumut 15,5 mio. koruunit missaannik akitsuutinit iluanaarutinik annikillisitsissasut missiliorneqarpoq.

Iluanaarutit (1.000 kr.)	N 2022	AI 2023	AI 2024	Iluanaarutit nutaat	Allannguut
Qummoroortartut (100%-init 50 %-inut)	-4.218	-2.000	-3.000	-1500	1.500
Tipigissaatit (0 %-inut)	-5.779	-4.000	-4.000	0	4.000
Sodavandit (literimut 7,5 kr.- init literimut 5,75 kr.-nut)	-	-	-43.000	-32.967	10.033
Katillugit			-50.000	-34.467	15.533

Sodavandinut akitsuut pillugu iluanaarutinut missiliuinerit allaanerusinnaanerat sillimaffigineqarpoq, tassami maannakkut puukunik utertitseriaatsimut nutaamut ikaarsaarerup kingorna sodavandinik eqqussisarneq pillugu suli naammattunik paasissutissanik peqanngimmat.

Tassunga ilanngutissaaq, sukkunut il.il. akitsuutip ataavartussamik atorunnaarsinnejassaaq pillugu siunnersuutip malitsigisaanik iluanaarutit 12,3 mio. koruuninik annikillisussaanerat.

Iluanaarutissanik annaasaqarneq AIS 2025-mi kingornaniittunullu sipaarutissanik pilersaarusiornikkut aningaasalersorneqassaaq.

4. Inuussutissarsior tunut aningaasaqarnikkut allaffissornikkullu sunniutaasussat


Siunnersuut akitsuutit appartinneqarfiini imaluunniit atorunnaarsinneqarfiini nioqqtissanik ataasiakkaanik nioqquteqartartut kaaviaartitaasa annikinnerusumik qaffannerannik kinguneqasasoq ilimagineqarpoq. Sukkunut il.il. akitsuummut tunngatillugu, tamatuma sunniutaa atuutilereerpoq.

5. Avatangiisinut, pinngortitamut inuillu peqqissusaannut sunniutaasussat

Sukkunut il.il. akitsuutip atorunnaarsinneqarnera aammalu qummoroortartunut sodavandinullu akitsuutit appartinneqarnerat, akitsuutit appartinneqarnerat atuisartunut akigititat appasinnerulererattut atornequalissappat, nioqqtissanik pineqartunik atuinerulernermik malitseqqarsinnaasoq missingersuisoqarpoq.

Qummoroortaatinik atuinerup annertusinera eqqagassaqnarnerulernikkut pinngortitamut nanertuutaanerussasoq ilimagineqarpoq. Taamattaaq piffinni avatangiisit, ikuallaaffiusut putsumik mingutsinnejqarsinnaapput. Nalinginnaasumik qummoroortartarneq piffissap sivikitsup ingerlanerani pisarpoq, soorluttaaq ikuallannerit ilaat qutsissumi pisartut, pujorlu annikillisinnejqartartoq. Ataatsimut isigalugu qummoroortarnermi avatangiisinik sunniut annikitsuinnaasutut isigineqartariaqarpoq. Qummoroortartunik atuineruneq ilanngullugu qummoroortarnermi akornusersinnaanerait annertunerulererannik kinguneqqarsinnaavoq. Sukkunik akitsuummik atorunnaarsitsinerup kiisalu sodavandinut akitsuutip appatinneerata kinguneranik atueriaatsip allanngornera nalileruminaappoq. Tulliuttumi takutinneqartumi takuneqqarsinnaasutut piffissami 2015-mit 2022-mut sukkunik mamakujuttunillu atuineq aalaakkakannersimavoq, naak sukkunut mamakujuttunullu akitsuut 2019-mi qaffanneqaraluartoq. 2023-mi eqqussuinerup annertuumik apparnera Nuuk Imeq A/S-p ingerlataanik atorunnaarsitsiartornermik aallartitsinermik ataqtigiiifeqqarsinnaavoq. Mamakujuttut sukkutulli nioqqtissianut takussutissiivimmi inissinneqartarnerat pissutigalugu naatsorsukkamut ilanngunneqarput.

Detaljeret import og eksport efter tid. Import, Hele året, Kilo, 17 Sukker og sukkevarer.



Kilde: Grønlands Statistik

Sukkunut akitsuummik atorunnaarsitsineq sodavandinullu akitsuummik appaaneq nioqquissanik taakkunannga atuinerlernermik kinguneqassasoq ilimagineqassaaq. Atuinerulli annikitsuinnarmik qaffannissaq ilimagineqartariaqarpoq, sukkumi nalinginnaasumik nioqquissat allat sananeqarnerannut ilaasarput, taamaammallu sukkut akiisa ineriartorerat atuinermut toqqaannartumik sunniuteqartarpoq. Peqatigisaanik sodavandit niuertarfinni akii ukiup nikinneranit qaffakkiartulerpoq, taamaammallu akitsuummik annikinnerusumik appaaneq, akit nutaat qaffasissut annikillinerannik peqataaqataasinjaavoq.

Naalakkersuisut naliliipput innuttaasut amerlasuut allannguutit taakkua iluaqtigissagaat aammalu siunnersuut aningaasat naleerukkiartoreranni pitsaamngitsumik ineriartorerup pakkersimaarnissaanut annikinnerusumik iluaqutaasussat, tassani pineqarput. Naalakkersuisut isumaqarput nioqquissanik pineqartunik atuinerulererup sunniuteqarnerlunnissaa, iluaqtissartaasunit taakkunannga illuatungilerneqartut.

6. Innuttaasunut sunniutaasussat

Siunnersuut nioqquissat akikinnerulereranni innuttaasut aningasaqarnerannut iluaqutaassasoq naliliisoqarpoq.

7. Sunniutaasussat annertuut allat

Siunnersuut allanik sunniuteqartussatut nalilerneqanngilaq.

8. Oqartussanut kattuffinnnullu il.il. tusarniaaneq

Siunnersuut piffissaliussaq pissutigalugu tamanut ammasumik tusarniaassutigineqanngilaq.

Taarsiullugu siunnersuut namminersorlutik oqartussat naalakkersuisoqarfiinut piffissami 4. Aprilimit 8. apriliip tungaanut tusarniaassutigineqarpoq.

Tusarniaanermi akissutinik tigusani immikkoortut pingarnerit tulliuttuni ilanngussaq 2-mi eqqartorneqarlutillu oqaaseqarfingineqarput.

Aalajangersakkanut ataasiakkaanut nassuaatit

§ 1-imut

Nr. 1-imut

Siunnersuutigineqarpoq sukkunut, glukosenut il.il. kiisalu tipigissaatinut, pinnersaatinut eqqiluisaarnermullu atortunut il.il. eqqussinermut akitsuut atorunnaarsinnejassasoq.

Tamatuma saniatigut siunnersuutigineqarpoq mineralvandinut, sodavandinut, limonadenut allanullu imeruersaatinut kulsyremik akulinnut, Qaanaamut, Ittoqqortoormiinut imaluunniit Tasiilamut eqqunneqartunut immikkut akitsuuvisarneq atorunnaarsinnejassasoq.

Nr. 2-mut

Siunnersuutigineqarpoq imeruersaatinut, sodavandinut, limonadenut imeruersaatinullu kulisyretalinnut, ethanolimik akoqannngitsunut, eqqussinermut akitsuut nunarput tamakkerlugu 5 kr. aamma 75 øremut aalajangersarneqassasoq.

Nr. 3-mut

Ajuusaarnartumik paasinarsisimavoq inatsimmi aalajangersakkap kalaallisoortaa tamakkiisuunngitsoq, taamaattumik oqaasertaasa erseqqissarneqarnissaat siunnersuutigineqarluni.

Nr. 4-mut

Qummoroortartunut akitsuut eqqussinermi fakturap nalingata 50 %-ianut appartinnejassasoq siunnersuutigineqarpoq.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	<p>§ 1</p> <p>Nioqquqtiisanik eqquqssuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, ilaatigut Inatsisartut inatsisaanni nr. 8, 19. Oktober 2007-meersukkut, Inatsisartut inatsisaat nr. 21, 23. November 2015-meersukkut, Inatsisartut inatsisaat nr. 2, 25. maj 2016-meersukkut, kingullermillu Inatsisartut inatsisaanni nr. 60, 20. november 2023-meersumi allanngortinneqartumi, makkua allanngortinneqarput:</p>
<p>§ 1. Akitsuiteqarfiusumut nioqquqtiisanik eqquqssuinermi, takuuk nioqquqtiisanik eqquqssuineq annissuinerlu pillugit Inatsisartut inatsisaat nr. 18, 30. oktober 1992-imeersumi § 6, landskassemut nakkartussanik makku akitsutaassapput:</p> <p>Nr. 1. Sukkunik nioqquqtiissiat suulluunniit, tamatumani ilaallutik sirup aamma glukose kg.-mut 10 kr. 31 øre.</p> <p>Nr. 4a. Mineralvandit, sodavandit, limonadit allallu imeruersaatit kulisyremik akullit, ethanolimik akoqanngitsut Qaanaap, Ittoqqortoormiit imaluunniit Tasiilap kommuniiini inuussutissarsiuteqartunit tuniniaqqitassatut eqqunneqartut literimut 5 kr. 75 øre.</p> <p>Nr. 18. Tipigissaatit, pinnersaatit eqqiluisaarnermullu atortut, makkuli pinnagit: qaqorsaatit, kigutigissarnermut atortut, nutsanut quligutit qaqorsataannallit,</p>	<p>1. § 1, imm. 1, nr. 1, nr. 4a, aamma nr. 18 atorunnaarsinneqarput.</p>

unernut tipigissaatit, taratsut uffarnermut atortut, nakkalatsiterutit kiisalu naalungiarsunnik paaqqinninnermi atortut fakturami nalingisa 38 %-iat	
Nr. 4. Mineralvandit, sodavandit, limonadet aamma imigassat kulsyrimik akullit, ethanolimik akoqanngitsut, nr. 4a-mut 4b-mullu ilaanngippata, literimut 7 kr. 50 øre	2. § 1, imm. 1, nr. 4, imatut oqaasertalerneqarpoq: ” Nr. 4. Imeruersaatit, sodavandit, limonadet imeruersaatillu kulsyretallit, ethanolimik akoqanngitsut, taakkua nr. 4b-imi pineqartunut ilaatinneqanngikkunik, literimut 5 kr. 75 øre”
Nr. 4b. Imigassat ethanolimik akoqanngitsut, koffeinimik literimut 149 mg-imit annerusumik akullit, literimut 15 kr. 00 øre	3. § 1, imm. 1, nr. 4b, imatut oqaasertalerneqarpoq: ” Nr. 4b. Imeruersaatit imeriaannaat 1,21 volumenprocent inorlugu ethanolimik akullit, literimut 149 mg-init annertunerusumik koffeinimik akoqartut, literimut 15 kr. 00 øre.”
Nr. 27. Qummoroortartut fakturami nalingisa 100%- iat.	4. § 1, imm. 1, nr. 27, imatut oqaasertalerneqarpoq: ” Nr. 27 Qummoroortartut fakturami nalingisa 50 %-iat.”
	§ 2 Inatsisartut inatsisaat nalunaarutigineqarnerata aqaguani atuutilerpoq.